

TRAGEDI DALAM PERANG KEDAH-SIAM, 1821-1842: SUATU SOROTAN SEJARAH

TRAGEDY OF KEDAH-SIAM WAR, 1821-1842: A HISTORICAL REVIEW

Hasim Saari¹, Rohani Abd Ghani² & Ahamad Jama' Amin Yang³

¹Institut Pendidikan Guru Kampus Darulaman, ²Universiti Utara Malaysia, ³Institut Pendidikan Guru Kampus Darulaman

Corresponding Author: hasim@ipda.edu.my

Abstrak

Faktor geo-strategik menyebabkan Siam merupakan antara kuasa yang telah meninggalkan kesan dalam perkembangan politik, ekonomi dan sosial Kedah. Ini kerana kedudukan Kedah yang bersempadan dengan Siam menyebabkan Kedah sering menjadi tumpuan kuasa tersebut. Kertas kerja ini memberikan tumpuan kepada sejarah peperangan yang berlaku di antara Kedah dan Siam iaitu dari tahun 1821 hingga 1842. Walaupun artikel ini memulakan perbincangan pada tahun 1821, namun, tempoh sebelum tu turut dibincangkan dengan mengambilkira beberapa peristiwa penting yang menjadi penyebab kepada meletusnya perang Kedah-Siam pada tahun 1821. Selain itu, perbincangan juga turut ditumpukan kepada peranan British yang turut terlibat dalam konflik Kedah-Siam yang akhirnya membawa kepada campurtangan mereka dalam politik Kedah selepas itu. Oleh demikian, objektif utama tulisan ini adalah mengupas mengenai kesan utama konflik Kedah-Siam terhadap institusi politik kesultanan Kedah. Tulisan ini menggunakan pendekatan historiografi dan sumber rujukan ditumpukan kepada bahan-bahan primer yang merupakan rekod British dan manuskrip lama sejarah Kedah. Sementara itu dari segi rujukan sumber sekunder pula, analisis perbincangan sepanjang tempoh 1821-1842 ini banyak bergantung kepada hujahan yang telah diutarakan oleh sarjana-sarjana tempatan dan Barat dalam kajian mereka mengenai hubungan Kedah dan Siam juga British. Artikel ini menyimpulkan bahawa tempoh antara tahun 1821 - 1842 merupakan sisi gelap dalam sejarah kesultanan Kedah yang terpaksa berdepan dengan serangan Siam dan tidak mempunyai pilihan lain selain dari terpaksa bersetuju menerima campurtangan Inggeris demi menyelamatkan Kedah dari penguasaan Siam.

Kata kunci: Geo-strategik; Perang Kedah- Siam; Kesultanan Kedah; Campurtangan British

Abstract

The geo-strategic factors that make Siam one of the most influential forces in Kedah's political, economic and social development. This is because Kedah's position on the border with Siam causes Kedah to be the focus of that power. This paper focuses on the history of the wars between Kedah and Siam from 1821 to 1842. Although this article commenced the discussion in 1821, however, the period before that also covered some important events that led to the outbreak of the Kedah war against Siam in 1821. Later, the discussion also focused on the role of the British who were involved in the Kedah-Siam conflict which eventually led to their intervention in Kedah politics. Therefore, the main objective of this paper is to shed light on the main effects of the Kedah-Siam conflict on the political institutions of the Kedah sultanate. This paper uses a historiographical approach and a reference source focused on primary material that is a British record and an old manuscript of Kedah history. Meanwhile, in terms of secondary sources, this analysis of the discussion over the period 1821-1842 relied heavily on the arguments made by local and Western scholars in their study of Kedah and Siamese relations as well as the British. This article concludes that the period between 1821 and 1842 was a dark side in the history of the Kedah sultanate who had to deal with the Siamese invasion and had no choice but to agree to accept British intervention in order to save Kedah from Siamese rule.

Keywords: Geo-strategic; Kedah-Siamese war; Kedah Sultanate; British intervention.

PENGENALAN

Sejarah awal negeri Kedah yang dianggap sebagai paling lama wujud mengatasi negeri-negeri lain di Tanah Melayu tercatat dalam banyak tulisan samada bersumber barat mahupun sumber tempatan. Tambahan pula dengan sifatnya sebagai kota pelabuhan pastinya sangat menarik perhatian pelbagai pihak.¹ Kewujudan sebuah negeri Melayu mempunyai hubungkait dengan raja atau sultan. Tidak diketahui dengan tepat bilakah institusi raja wujud di Kedah kerana tidak ada sumber yang dapat mengesahkan perkara ini. Bagaimanapun tidak dapat dinafikan Kesultanan Kedah merupakan yang tertua dan paling lama hayatnya.² Kesultanan Kedah berada pada zaman puncaknya semasa pemerintahan Sultan Muhammad Jiwa Zainul Azilin Muazzam Syah II 1710-1778/1122-1192H.³ Wilayah kekuasaannya meliputi di sebelah utara dari Pulau Ujong Salang dan Mergui hingga di sebelah selatan melimpasi Lembah Kerian.⁴ Keluasan wilayah ini menunjukkan pengaruh kerajaan Kedah yang kuat dan faktor ini telah menarik perhatian kuasa Siam untuk menguasai Kedah. Selain itu, faktor ekonomi perdagangan yang melibatkan pihak luar menarik banyak pihak yang turut datang berdagang termasuk kuasa Inggeris melalui Syarikat Hindia Timur Inggeris yang telah memulakan perhubungan perdagangan sejak abad ke-16 lagi.⁵ Konflik dengan Siam yang akhirnya mencetuskan Perang Kedah –Siam yang akhirnya mendorong Inggeris campurtangan di Kedah.

LATAR BELAKANG MELETUSNYA PEPERANGAN

Pada umumnya serangan Siam terhadap Kedah pada hari Ahad, 12 November 1821⁶ adalah semasa Kesultanan Kedah di bawah kekuasaan Sultan Ahmad Tajuddin Halim Shah II.⁷ Ia bermula apabila Siam telah mengarahkan Raja Ligor⁸ menyerang Kedah dengan alasan Sultan Ahmad Tajuddin Halim Shah II enggan mematuhi arahan Siam menyerang negeri-negeri Melayu yang lain.⁹ Selain itu penyerahan Pulau Pinang kepada Syarikat Hindia Timur Inggeris semasa pemerintahan Sultan Abdullah turut menjadi sebab awal mewajarkan serangan Siam terhadap Kedah. Kemarahan Siam terhadap penyerahan Pulau Pinang kepada Inggeris 11 Ogos 1786 merupakan permulaan kepada tragedi kepada Kedah yang menyaksikan mereka bukan hanya kehilangan Pulau Pinang malah terpaksa berhadapan dengan kuasa Siam.¹⁰

Peluang Inggeris untuk campurtangan dalam hal ehwal negeri Kedah bermula apabila Sultan Muhammad Jiwa Zainal Adilin Muazzam Shah II mula menawarkan kawasan di perairan Kuala Kedah hingga ke Pulau Pinang kepada Syarikat Hindia Timur Inggeris pada November 1771.¹¹ Tawaran itu segera disambut oleh pihak Inggeris yang pada masa itu sedang mencari tapak untuk terus berkembang sebagai kuasa perdagangan yang unggul mengatasi saingan kuasa Eropah yang lain. British menjadi kuasa yang penting dalam politik istana Kedah apabila Sultan Muhammad Jiwa Zainal Adilin Muazzam Shah II telah bertambah tua pada masa itu telah ditentang oleh beberapa pihak dalam istana apabila baginda telah memilih dan melantik Tunku Abdullah sebagai bakal pengganti baginda menjadi Sultan Kedah.¹² Penentangan ini turut melibatkan pihak luar terutama orang-orang Bugis yang diminta bantuan oleh penentang-penentang Sultan. Kemuncaknya pada bulan Mac 1771, angkatan perang orang-orang Bugis telah bergabung dengan orang-orang Kedah yang memusuhi Kerajaan Kedah lalu menyerang dan menawan Kota di Kuala Kedah.¹³ Seterusnya apabila Alor Setar jatuh ke tangan penentang, Sultan dibawa ke Kangar.

Dalam menghadapi penentangan ini, Sultan Muhammad Jiwa telah mengirim surat kepada Gabenor Jeneral Kompeni Inggeris di Madras meminta Kompeni Inggeris menolong mengembalikan baginda semula ke atas takhta Kerajaan Kedah.¹⁴ Utusan juga turut dihantar

ke Aceh meminta bantuan kepada saudagar-saudagar Inggeris yang ada di Aceh. Utusan yang dihantar ke Aceh telah kembali bersama-sama dengan Kapten Francis Light.¹⁵ Francis Light yang merupakan seorang *country trader*, yang mempunyai matlamat yang sama dengan Syarikat Hindia Timur Inggeris iaitu cuba mendapatkan pangkalan yang strategik untuk perdagangan dengan China.¹⁶ Kesempatan ini diperoleh melalui permintaan Sultan Muhammad Jiwa.¹⁷ Perkara ini boleh diteliti melalui surat-surat yang dikirimkannya kepada penguasanya.¹⁸

Jelas disini kemelut istana menjadi pendorong utama untuk permulaan pertapakan British. Sementara itu, bagi pihak Sultan Kedah pula berpendapat bahawa Kedah perlu mewujudkan hubungan dengan pihak yang dilihat kuat pada waktu itu dalam usaha menjauhkan ancaman musuh tradisi yang amat digeruni, Siam dan Burma.¹⁹ Pengaruh Burma atau Siam berkembang mengikut peredaran masa. Lebih-lebih lagi kedua-dua kerajaan ini saling berperang antara satu sama lain di kawasan sebelah utara yang menjadi sempadan mereka bersama. Persaingan adu-tenaga Siam-Burma telah mewujudkan suasana perlindungan-pertuanan antara kerajaan kecil dengan dua kuasa tersebut. Di sinilah Kedah terpaksa tunduk kepada tuntutan tersebut mengikut kepada kuasa yang terkuat pada masa itu.²⁰

Apabila Sultan Abdullah menaiki takhta menggantikan Sultan Muhammad Jiwa yang mangkat pada tahun 1778, Kerajaan Kedah semakin ditekan oleh pihak Siam tentang pertuanannya. Dalam masa yang sama pengaruh Burma juga masih perlu ditangani. Pada 31 Ogos 1785 Kapten Light datang ke negeri Kedah berjumpa Sultan Abdullah meminta baginda memberikan Pulau Pinang yang dalam perintah Kerajaan Kedah kepada Kompeni Inggeris.²¹ Pada 11 Ogos 1786 British mula menduduki Pulau Pinang dan dalam masa yang sama, Kedah semakin diancam ia kembali menjadi tumpuan kuasa itu setelah ia berjaya dalam peperangannya dengan Burma.

Menyentuh mengenai hubungan Kedah-Siam, antara perkara yang sering diperdebatkan ialah mengenai status ketuanan Siam ke atas Kedah. Seorang sarjana sejarah tempatan Kobkua Suwannathat-Pian yang turut menulis berkaitan Kedah dan Siam pada abad ke-17 sehingga awal abad ke-20 dalam disertasi beliau yang bertajuk *A Study of Traditional Intra-Regional Relations From The 17th to the Early 20th Century*²² meninjau tentang hubungan orang-orang Melayu dengan Siam. Beliau berpendapat *sistem tributari* yang mendasari hubungan Kedah (termasuk Setul dan Perlis)/Kelantan dengan Siam telah berjaya. Ini terutamanya selepas Siam membuktikan kekuatannya dalam pertengahan pertama abad ke-19. Asas kepada pendapat yang diutarakan oleh beliau adalah merujuk kepada sistem *tributari* itu sendiri adalah melambangkan kedudukan hubungan tinggi-rendah. Namun menurut John Bastin²³ yang menulis berkenaan pandangan Francis Light menyatakan bahawa tidak ada sebarang bukti, sama ada dari segi tulisan atau tradisi yang Kedah ditadbirkan oleh undang-undang atau adat Siam. Penghantaran bunga mas dan perak adalah sebagai tanda penghormatan untuk mengekalkan hubungan baik.²⁴

Penyerahan Seberang Perai kepada pihak British telah menyebabkan Tunku Ahmad Tajuddin berangkat ke Siam untuk mendapatkan bantuan kerana bimbang bapa saudaranya iaitu Sultan Dhiauddin cuba mengukuhkan kuasa. Baginda pun pergi berjumpa dengan Gabenor Snggora di antara tahun 1801-1802. Tindakan ini ialah sebagai saluran untuk menarik perhatian pihak Siam.²⁵ Rentetan daripada peristiwa ini akhirnya Tunku Ahmad Tajuddin ditabalkan menjadi Sultan Kedah yang kedua puluh dua, bergelar Sultan Ahmad Tajuddin Halim Shah II (1803-1845).²⁶ Setelah Sultan Ahmad Tajuddin ditabalkan menjadi Sultan Kedah dan askar-askar Siam yang ramai datang ke Kedah itu pun bertolak balik meninggalkan negeri Kedah.²⁷ Kemelut lama istana Kedah kembali berulang. Saudara-saudara Sultan Ahmad Tajuddin bangkit bertelingkah sesama sendiri.

Konflik dalam pemerintahan beraja Kedah berlarutan semasa pemerintahan Sultan Ahmad Tajuddin Halim Shah II apabila Raja Siam mengarahkan baginda menyerang Perak. Walaupun perkara ini cuba dielakkan oleh Sultan Ahmad Tajuddin Halim Shah II, namun

baginda terpaksa melancarkan serangan ke atas Perak apabila Sultan Abdul Malik Mansur Shah enggan menerima cadangan Kedah agar mengakui ketuanan Siam ke atas Perak.²⁸ Selepas itu, Sultan Ahmad Tajuddin Halim Shah II juga telah berjaya membantu Chao Phraya Ligor (Nakorn Si Tamarat) menentang Burma di Talang (Phuket). Berikutan dengan itu, baginda telah mendapat penghargaan dari Bangkok dan dianugerahkan pangkat Chao Phraya Zaiburi.²⁹ Walau bagaimanapun, rasa curiga Siam dan cemburu Raja Ligor terhadap Sultan Ahmad Tajuddin Halim Shah II tidak pernah padam.³⁰

Kedudukan Sultan Ahmad Tajuddin Halim Shah II ini tidak kekal lama berikutan dengan masalah dalaman takhta kerajaan Kedah yang semakin memuncak. Perebutan untuk menduduki takhta pemerintahan bermula dari Raja Muda iaitu Tunku Yaakub, yang telah bekerjasama dengan Gabenor Nakorn Si Tammarat menggulingkan Sultan Ahmad Tajuddin Halim Shah II. Sultan telah dituduh dengan pelbagai tuduhan seperti gagal menyatukan rakyat, mengabaikan pemerintahan Kedah dengan berpindah ke Sungai Merbok dan mengingkari perjumpaan dengan Nakorn Si Tammarat. Manakala tuduhan yang paling berat yang dilemparkan kepada baginda Sultan ialah Sultan Ahmad Tajuddin Halim Shah II berpakat dengan Burma menentang kerajaan Siam.³¹ Tunku Embun yang juga mengadap Gabenor Nakorn Si Tammarat pada tahun 1820 memohon untuk menghadap Rama II di Bangkok bagi memaklumkan tindakan Sultan Ahmad Tajuddin memindahkan pusat pemerintahan ke Pulau Tiga dan mendakwa sebagai tindakan mengingkari perintah kerajaan Siam.

Kesempatan ini telah digunakan oleh Gabenor Nakorn Si Tammarat untuk mengadap Rama II di Bangkok untuk memaklum dakwaan Tunku Embun terhadap Sultan Kedah. Tindakan Gabenor Nakorn Si Tammarat yang sebenarnya dipengaruhi oleh perasaan dendam dan iri hati terhadap Sultan Ahmad Tajuddin Halim Shah II yang turut dianugerahkan gelaran Chao Phraya Cadangan Gabenor Nakorn Si Tammarat untuk menyerang Kedah kemudiannya mendapat perkenan Rama II.³²

PEPERANGAN KEDAH-SIAM, 1821-1842

Tragedi politik sebenar ke atas Kedah bermula apabila angkatan Siam seramai 7,000 orang tentera di bawah arahan Raja Ligor berlepas menuju ke Trang seterusnya ke Sungai Kedah dengan alasan untuk mendapatkan bekalan makanan bagi melancarkan serangan terhadap Burma.³³ Setibanya angkatan tersebut di Kota Kuala Kedah pada 12 November 1821, serangan secara tiba-tiba dilancarkan menyebabkan pertahanan Kedah yang tidak bersedia dengan mudah dikalahkan. Dato' Bendahara dan Dato' Laksamana yang cuba menentang Siam tetapi gagal. Sultan Ahmad Tajuddin Halim Shah II yang berada di Kuala Muda yang sedang berundur menerima perkhabaran serangan Siam ke Seberang Perai, di kediaman saudaranya Tunku Sulaiman dan seterusnya mendapatkan suaka politik di Pulau Pinang.³⁴ Dalam peperangan ini, Dato' Syahbandar, Dato' Temenggung dan Dato' Laksamana terkorban. Dato' Bendahara, Tunku Yaakob dan Tunku Jam Jam berjaya ditawan oleh Siam. Sementara itu, Dato' Bendahara dipercayai diracun ketika dalam perjalanan ke Senggora.³⁵ Kekalahan Kedah menyebabkan tentera Siam membunuh ramai orang lelaki; menangkap wanita dan kanak-kanak sebagai tawanan.³⁶ Sementara itu, Sultan Ahmad Tajuddin Halim Shah II yang berjaya melarikan diri ke Pulau Pinang di bawah British dan dalam serangan ini, Siam gagal untuk menawan baginda.³⁷

Peristiwa ini sangat penting dalam sejarah Kedah kerana buat pertama kali baginda Sultan terpaksa tinggal di luar negeri selama hampir 18 tahun.³⁸ Ia berlaku apabila Sultan Ahmad Tajuddin terpaksa berkelana dan mengemis di bumi sendiri dan peristiwa ini disifatkan oleh J. M. Gullick yang menyatakan bahawa Inggeris dan Siam seolah-olah bekerjasama menutup ruang-ruang bagi pemulihan kuasa Sultan.³⁹ Seorang Sultan yang terpaksa hidup dalam pembuangan sedangkan takhta sendiri telah dirampas. Bukan sahaja takhta, malah

sebahagian negeri menjadi hak milik orang lain. Kesedihan baginda Sultan terkandung dalam titah baginda yang antara lain berbunyi;

Akan Pulau Pinang ini pun tanah ayah beta, Paduka Marhum beri sewa akan kompeni Inggeris sebab inilah maka beta mau datang singgah di Pulau Pinang. Di dalam pada itu pun jika beta tiada boleh naik ke Pulau Pinang daripada dibawa beta pergi ke Melaka atawa Singapura seperti orang banduan, terlebih baiklah beta digantung atawa di aras dengan meriam pada keci beta ini.⁴⁰

Walaupun bagaimanapun, terdapat usaha-usaha dari pihak Syarikat Hindia Timur Inggeris untuk membantu sultan mengembalikan takhtanya apabila utusan British yang diketuai John Crawford telah dihantar ke Bangkok.⁴¹ Walaupun usaha Crawford gagal meyakinkan pihak Siam, tetapi British berjaya mengintip kekuatan yang dimiliki oleh pihak Siam. Sehubungan dengan itu, Crawford telah melaporkan kekuatan yang dimiliki oleh pihak British berbanding Siam. Pada Ogos 1824, Robert Fullerton dilantik sebagai Gabenor Pulau Pinang dan dikatakan terkenal dengan sifat anti-Siam. Rancangan Ligor untuk menyerang Perak dan Selangor telah diketahuinya menyebabkan amaran diberikan kepada pihak Siam bahawa serangan yang dilancarkan juga membawa makna serangan ke atas British. Berikutan dengan amaran ini, Siam menarik balik tenteranya dan membatalkan serangan ke atas kedua-dua negeri tersebut.

Situasi ini menjadi lebih buruk berikutan dengan termeterainya Perjanjian Burney pada tahun 1826.⁴² Kapten Henry Burney telah diutuskan ke Bangkok pada tahun 1825 menyambung usaha British mengembalikan kuasa Sultan Ahmad Tajuddin Halim Shah II di atas takhta kerajaan Kedah.⁴³ Dalam konteks ini, Kedah menjadi mangsa dalam kedudukannya lemah berbanding dengan kuasa British dan Siam akibat daripada tekanan daripada kedua-dua kuasa ini ke atas negeri itu.. Perjanjian ini hanya melibatkan Henry Burney mewakili Syarikat Hindia Timur Inggeris dan pihak Siam manakala tidak ada seorang wakil yang mewakili Kedah. Walaupun pada peringkat awalnya terdapat halangan atas misi ini tetapi Henry Burney berjaya menandatangani perjanjian dengan Kerajaan Siam pada 20 Jun 1826 untuk membolehkan pihak Inggeris mengekalkan persahabatan dan perdagangan dengan Siam termasuk bekalan makanan yang diperolehi dari Kedah sebelum 1821. Bagi pihak Siam yang pada ketika ini di bawah pemerintahan Rama III juga sangat mengambil kira manfaat yang akan diperolehi oleh pihak Siam dari perjanjian ini.⁴⁴

Salah satu syarat yang ditandatangani terutamanya yang terkandung dalam Artikel 13 yang berbunyi :

The Siamese engage to the English, that the Siamese shall remain in Quedah, and take proper care of that country and of its people; the inhabitants of Prince of Wales Island and of Quedah shall have trade and intercourse as heretofore; the Siamese shall levy no duty upon stock and provisions, such as cattle, buffaloes, poultry, fish, paddy, and rice, which the inhabitants of Prince of Wales Island, or ships, there, may have occasion to purchase in Quedah, and the Siamese shall not farm the mouths of rives, or any streams in Quedah, but shall levy fair and proper import and export duties, The Siamese further engage, that when Chow Phya, of Ligor, returns from Bangkok, he shall release the slaves, personal servants, family and kindred, belonging to the former Governor of Quedah, and permit them to go and live wherever they please. The English engage to the Siamese that the English do not desire to take possession of Quedah, that they will not attack, or-disturb it, nor permit the former Governor of Quedah, or any of his followers to attack, disturb, or injure in any manner, the territory of Quedah, or any other territory subject to Siam. The English engage that they will make arrangements for the former Governor of Quedah, to go and live in some other country,

*and not Prince of Wales, England, or Prue, or in Perak, Selangore or any Burmese country. If the English do not let the former Governor of Quedah go and live in some other country as here engaged, the Siamese may continue to levy and export duty upon paddy and rice in Quedah. The English will not prevent any Siamese, Chinese, or other Asiatics at Prince of Wales Island, from going to reside in Quedah if they desire it*⁴⁵

Sangat jelas di sini syarat di atas tidak memihak kepada Kedah sementara itu, intipati dari Artikel 13 ini telah menyebabkan Sultan Kedah, Sultan Ahmad Tajuddin terpaksa menjadi pelarian dengan pengkhianatan British ini. Namun semangat juang Kedah tidak pernah luntur. Sultan Ahmad Tajuddin meskipun berada di dalam pembuangan tetapi kesatuan daripada kerabat menyebabkan pihak Siam tidak berada dalam keadaan selesa.⁴⁶ Penentangan demi penentangan dilakukan bermula sebaik tewasnya Kedah pada November 1821 kepada Siam. Pada tahun 1823 dengan ketiadaan Wizurai Siam di Kota Kuala Kedah, Tunku Abdullah (anakanda Sultan) dan Tunku Kudin (adik Sultan) bersama 3000 orang berjaya merampas Kota Kuala Kedah. Namun hanya dapat bertahan selama tiga bulan. Seterusnya pada tahun 1825, sekali lagi Tunku Kudin bersama Muhammad Jaafar (anak saudara Sultan) berpakat dengan pihak orang asing yang berada di Pulau Pinang untuk menyerang Siam tetapi sekali lagi gagal kerana pihak British telah memintas dengan menangkapnya ketua pemberontak. Pihak British dan Siam sepakat mengisytiharkan orang-orang Melayu ini sebagai perompak, lanun dan pengganas.⁴⁷

Kemuncak penentangan Kedah terhadap Siam tercetus pada 1838 apabila angkatan Kedah yang diketuai oleh Tunku Mohammad Saad yang berkekuatan 10000 orang askar dan 50 perahu perang berjaya menghalau Siam hingga ke Alur Ganu. Angkatan Kedah ini turut disertai oleh pembesar-pembesar dan ulama Kedah. Berikutan dengan kekalahan ini, Siam telah mengadakan serangan balas dengan bantuan dari Bangkok. Angkatan Kedah pada masa itu semakin lemah kerana baharu sahaja selesai menghadapi serangan Siam. Siam menggunakan segala kekuatan untuk menyerang di arah daratan. Pada ketika ini British menunjukkan lagi dasar yang menghimpit Kedah. Dengan kekuatan yang pada British melalui angkatan lautnya telah memberi pukulan yang hebat kepada Kedah yang tersepit. Melalui perjanjian yang ditandatangani pada 1826 (Perjanjian Burney), pihak British menghantar *HMS Hyacinth* dibantu kapal-kapal perang yang lebih kecil seperti *HMS Emerald*, *HMS Pearl* dan *HMS Diamond* untuk bertindak dari arah laut dengan membuat kepungan terhadap pihak Kedah. Akhirnya pihak Kedah tewas sepenuhnya dan Siam kembali berkuasa.

Bagi British, peperangan yang berlaku sebenarnya merugikan banyak pihak dan sehubungan dengan itu Gabenor Bonham memberikan sokongan kepada Sultan Ahmad Tajuddin untuk kembali bertakhta. Beliau telah menulis surat surat sokongan yang diberikan kepada Tunku Daei yang diarahkan ke Bangkok sebagai utusan damai dari pihak Kedah. Surat tersebut juga secara tegas menyatakan bahawa British yang tidak akan lagi membantu Siam dalam sebarang peperangan dengan Kedah. Berikutan dengan itu, pihak Siam telah memperkenankan Sultan Ahmad Tajuddin untuk menduduki kembali takhtanya.

Kesan Peperangan Kedah-Siam yang Menjadi Tragedi Politik dan Kemanusiaan

Tragedi politik paling ketara kesan dari perang Kedah-Siam 1821 hingga 1842 adalah takhta Kesultanan Kedah seolah-olah terhenti. Raja yang memerintah, Sultan Ahmad Tajuddin Halim Shah II terpaksa melarikan diri ke Pulau Pinang dan dibuang daerah ke Melaka. Ratapan baginda terkandung dalam syair baginda yang terkenal iaitu Syair Duka Nestapa yang berbunyi;

Sudah-lah gerangan nasib kekanda	Janji suratan demikian ada
Menanggong mashrol berganda-ganda	Bagai kan bekah di-dalam dada
Ya' Allah tulonglah hamba	Sa-orang mahlok sangat haloba
Bermimpi bulan jatuh ka-riba	Bernang di-laut hendak di-chuba
Ya' Rasulallah lihat-lah umat mu	Beri sufaat kurnia-kan ilmu
Pohon-kan penunjuk jalan bertemu	Jangan kira-nya terkena semu
Berkat junjongan cherpu duli	Sekira apa-lah lepas kembali
Berkaul kapada nabi dan wali	Utama jiwa ku pohon sekali ⁴⁸

Demikianlah rintihan sengsara Sultan Ahmad Tajuddin⁴⁹, seorang Sultan yang terpaksa hidup dalam pembuangan sedangkan takhta sendiri telah dirampas. Bukan sahaja takhta, malah sebahagian negeri menjadi hak milik orang lain.

Siri-siri peperangan Kedah-Siam⁵⁰ telah memperlihatkan kerugian yang dialami oleh Kedah. Selain dari sejumlah besar rakyat yang terkorban, Kedah juga turut kehilangan Pulau Pinang. Dalam pada itu juga, kedudukan negeri Kedah menjadi terpisah dan dibahagikan mengikut kehendak Siam yang berkuasa berikutan dengan negeri Kedah telah dibahagikan kepada empat wilayah iaitu Kedah, Kubang Pasu, Perlis dan Setul-Lingu. Dari segi kekuasaan Sultan Kedah pula terdapat perubahan apabila Sultan Ahmad Tajuddin Halim Shah II berkuasa di Kedah; Tunku Anum Paduka Raja Jambangan diserahkan Kubang Pasu; Syed Hussain Jamalullail, Perlis dan Tunku Bisnu di Setul-Lingu. Pihak Siam menetapkan Setul-Lingu dibawah tanggungjawab Raja Senggora manakala Kedah, Kubang Pasu dan Perlis diletakkan di bawah Raja Nakhorn Sri Thamamarat.⁵¹ Pemisahan daerah-daerah pemerintahan ini menjadikan sejarah Kedah yang pernah gemilang dengan kekuasaan dari Trang hingga ke sempadan Perak menjadi catatan sejarah. Namun pada tahun 1864, Kubang Pasu kembali bercantum dengan Kedah apabila diserahkan oleh Raja Kubang Pasu, Tunku Ishak, cucunda Tunku Anum Paduka Raja Jambangan. Bagi wilayah Setul pula apabila pemerintahan telah berpindah kepada Ku Din bin Ku Meh yang lebih cenderung dan memberi perhatian kepada Bangkok, kedaulatan Kedah berakhir apabila pengganti Ku Din bin Ku Meh adalah keturunan Siam menyandang jawatan Gabenor Setul (kini dikenali sebagai Satun).⁵² Pertuanan Siam ke atas Kedah berterusan sehinggalah Perjanjian Bangkok 1909 yang kemudiannya British pula mengambil alih kuasa pentadbiran walaupun takhta Kesultanan Kedah kekal bersambungan sehingga kini.

Tragedi Pengkhianatan British terhadap Kedah

Pada dasarnya hubungan yang terjalin pada peringkat awal di antara pihak Inggeris dengan Kedah adalah semata-mata melibatkan perdagangan. Walaupun pihak Kedah memperakui pertuanan Siam tetapi persepsi tentang status hubungan jelas kabur. Kesultanan Kedah tetap dapat meneruskan pemerintahan dan berhubungan dengan pihak lain tanpa perlu merujuk terlebih kepada pihak Siam.⁵³ Berhubung dengan pengkhianatan demi pengkhianatan yang dilakukan oleh pihak Inggeris, bukanlah sebenar-benarnya bermula tepat pada 1786 setelah penyerahan Pulau Pinang. Justeru, adalah wajar untuk diperjelaskan siri pengkhianatan ini telah

bermula sebaik sahaja terjalin perhubungan di antara pihak Inggeris dan pihak Kedah semasa pemerintahan Sultan Muhammad Jiwa.

Harapan Kesultanan Kedah mendapatkan bantuan Inggeris untuk bebas daripada belenggu cengkaman Siam dan Burma ternyata tidak kesampaian. Peristiwa ini juga memperlihatkan Inggeris yang bertindak “seperti gunting dalam lipatan” apabila mengkhianati Sultan Muhammad Jiwa yang pada masa itu juga sedang menghadapi kemelut perang saudara yang turut melibatkan orang-orang Bugis. Persubahatan⁵⁴ waris-waris dengan orang-orang Bugis begitu mengancam kedudukan sultan di atas takhta. Menghadapi keadaan ini Sultan Muhammad Jiwa telah menghantar utusan baginda yang diketuai oleh seorang wanita ke Aceh untuk menemui Kapten Francis Light yang membuka firma perdagangan di sana. Tujuannya untuk mendapatkan bantuan Inggeris bagi menamatkan pengaruh Bugis di Kedah dan mendapatkan kembali meriam dan lain-lain harta yang dirampas oleh Bugis dari Selangor.⁵⁵

Pertapakan Inggeris bermula dengan perjanjian yang diperbuat di antara Sultan Muhammad Jiwa dengan Kapten Francis Light yang datang untuk membantu tetapi pada masa yang sama berharap mendapat kebenaran mendirikan loji perniagaannya di Kuala Kedah. Kapten Francis Light hakikatnya melihat peluang yang ditawarkan oleh Sultan Muhammad Jiwa. Permintaan Sultan Muhammad Jiwa kepada Syarikat Hindia Timur Inggeris tidak mendapat jawapan yang pasti atas sebab-sebab yang hanya diketahui oleh mereka. Bagi Francis Light ini adalah tawaran yang tidak boleh dilepaskan. Keghairahan Francis Light dalam hal ini terserlah apabila terus memberikan sokongan kuat kepada surat peringatan kedua yang dihantar oleh pihak Sultan Muhammad Jiwa kepada Kompeni Inggeris untuk bertanyakan tentang status permintaan yang diutarakan terdahulu dengan memberikan gambaran yang tidak selari dengan apa yang sebenarnya berlaku di Kedah pada masa itu.⁵⁶

Dalam perkembangan yang berkaitan, pihak berkuasa Madras melantik Edward Monckton untuk dihantar ke Kedah untuk berunding dengan Sultan. Namun dikatakan misi Monckton ditakdirkan gagal dari awal-awal lagi. Dia masih muda dan gagap serta pada mulamula lagi dia memberikan tanggapan yang tidak baik kepada Sultan.⁵⁷ Keterangannya tentang misinya jelas agak keterlaluan, namun kedudukan Sultan yang tidak stabil dan pengaruh Francis Light menyebabkan Sultan bersetuju untuk menandatangani satu perjanjian dengan Monckton sebagai wakil Kompeni Inggeris.⁵⁸

Melalui bantuan Light juga, Monckton memperolehi draf perjanjian yang mengulangi permintaan Sultan yang memohon kerjasama Inggeris dalam menentang Siam.⁵⁹ Namun pendirian pihak berkuasa di Madras tidak berubah iaitu kekal hanya untuk bertahan. Apa yang tidak diketahui Sultan, Kompeni Inggeris tidak mahu memberi sebarang pertolongan kepada Sultan.⁶⁰ Sangat jelas di sini ketidakjujuran pihak Inggeris dalam berurusan dengan pihak yang menganggap mereka sebagai sahabat. Sultan Muhammad Jiwa yang sebelum itu sempat pula menawarkan kawasan di sepanjang perairan Kuala Kedah hingga ke Pulau Pinang akhirnya menyedari Syarikat Hindia Timur Inggeris tidak pernah berhasrat untuk memberikan bantuan.⁶¹ Ini terutamanya apabila pada penghujung bulan Julai tahun 1772, Edward Monckton telah menerima surat perintah dari ketuanya di Madras. Usaha Edward Monckton ternyata gagal apabila Sultan memansuhkan perjanjian awal yang dipersetujui akibat krisis peribadi antara mereka.⁶²

Pemansuhan perjanjian awal ini tidak menamatkan cita-cita Light bagi mendapatkan Pulau Pinang apabila pada tahun 1785 Sultan Abdullah Mukarram Shah telah menawarkan pembaharuan dalam pemajakan Pulau Pinang kepada Syarikat Hindia Timur Inggeris.⁶³ Dalam masa yang sama, pendudukan Francis Light di Pulau Pinang sebenarnya bersifat sementara dan tidak ada sebarang perjanjian rasmi dibuat berhubung pendudukan sementara itu.⁶⁴ Manakala Sultan Abdullah terus mengharapkan pihak Inggeris terutama Syarikat Hindia Timur Inggeris memberi bantuan ketenteraan. Namun pada bulan Jun 1788, buat pertama kali, Sultan Abdullah

menyedari Syarikat Hindia Timur Inggeris tidak pernah berhasrat untuk memberikan bantuan ketenteraan.⁶⁵

Akibat penkhianatan ini hubungan baik yang terjalin di antara Kedah dan Syarikat Hindia Timur Inggeris telah berubah. Sultan Abdullah pun menjalankan ikhtiar untuk mendapatkan pertolongan daripada mana-mana pihak bagi mengukuhkan pertahanan perang di negeri Kedah. Kalau boleh mereka hendak menghantar orang Inggeris keluar dari daerah kerajaan Kedah.⁶⁶ Pada awal tahun 1790, Sultan Abdullah mengumpul kekuatan untuk merampaskan kembali Pulau Pinang. Namun akibat kesilapan strategi, pihak Francis Light terlebih dahulu menyerang dan mengalahkan pihak Sultan Abdullah. Dalam menghadapi keadaan ini, Sultan Abdullah terpaksa menandatangani satu perjanjian yang memberi pengesahan undang-undang terhadap pengambilan Pulau Pinang pada 1 Mei 1791. Sehubungan dengan itu terpisahlah satu daerah ketuanan Kedah dan hubungan yang terjalin juga berubah corak kepada antara kerajaan dengan kerajaan bukan lagi sebagai pajakan. Selain itu, Sultan Abdullah dituntut untuk membayar ganti rugi sepertimana yang dijanjikan sebelum ini diturunkan lagi dengan tidak munasabah.⁶⁷

Selepas kemangkatan Sultan Abdullah, adinda Sultan Abdullah iaitu Tunku Dhiauddin diangkat menjadi pemangku Sultan Kedah yang kedua puluh satu bergelar Sultan Dhiauddin Mukarram Shah II (1798-1804) anakanda baginda akan mengambil alih takhta. Namun disebabkan Tunku Ahmad Tajuddin (Tunku Pangeran) masih kecil.⁶⁸ Walaupun jangka masa pemerintahannya boleh dikatakan singkat tetapi tempoh pemerintahan baginda telah menyaksikan satu peristiwa penting dalam sejarah Kedah apabila Kedah semakin menjadi semakin kecil dengan penyerahan satu lagi daerah iaitu Seberang Perai di sebelah tanah besar yang bertentangan dengan Pulau Pinang kepada Inggeris.

Pihak berkuasa Pulau Pinang melihat suatu keperluan yang penting untuk mengawal sepenuhnya kedua-dua pantai selat untuk tujuan strategi.⁶⁹ Manakala dari segi kepentingan ekonomi, Syarikat Hindia Timur Inggeris sangat memerlukan kawasan luas yang dapat menampung keperluan penduduk Pulau Pinang dan tanpa bergantung kepada pihak lain terutamanya Kedah dari segi bekalan makanan.⁷⁰ Kompeni juga mahu menyekat pelabuhan Kuala Prai yang pesat berkembang menyaingi Pulau Pinang.⁷¹

Bagi pihak Sultan Dhiauddin yang sedar akan kedudukannya hanya sebagai pemangku raja sahaja, terus berusaha dengan mengambil kesempatan dan sanggup berunding dengan Kompeni.⁷² R. Bonney (1974) mencatatkan perkara ini dengan mengatakan perjanjian ini akan mengiktiraf Sultan Dhiauddin sebagai Raja Kedah oleh Syarikat Hindia Timur Inggeris. Pasti ini akan menaikkan taraf dan darjatnya di kalangan rakyat. Seterusnya dikatakan faktor yang tidak kurang pentingnya adalah dengan kedudukannya, baginda akan menerima geran tahunan yang berjumlah ribuan ringgit.⁷³

Perundingan pengambilan Seberang Perai diusahakan oleh Leftenan Gabenor Pulau Pinang, Sir George Leith. Pada peringkat awalnya beliau menghantar wakilnya bernama Mr. Caunter untuk berunding dengan Sultan Dhiauddin. Walaupun pada mulanya beberapa menteri membantah tentang permohonan itu tetapi akhirnya mereka telah bersetuju. Maka pada hari Rabu 6 Jun 1800 (12 Muharram 1215H) termeterai perjanjian yang ditandatangani oleh Sultan Dhiauddin Mukarram Shah II bagi pihak Kerajaan Kedah dan Sir George Leith bagi pihak Kompeni Inggeris. Perjanjian sebanyak 14 Fasal itu merangkumi soal-soal subsidi tahunan, luas sempadan⁷⁴, masalah hamba juga orang berhutang dan penjenayah yang lari di antara kedua-dua buah negeri itu.⁷⁵

Pada mukadimahnyanya ada disebutkan: "...dua buah negeri itu (Kedah dan Pulau Pinang) bersahabat di laut atau di darat selalu dan selagi adalah bergerak dan bercahaya matahari dan bulan." Sementara pada akhir perjanjian itu ditegaskan bahawa,

“Barangsiapa mungkir dan ubahkan barang suatunya janji dank ka(h)ul ini Tuhan Allah boleh hokum dan rosakkan dianya dan tiada boleh dapat baik di dalam dunia...”⁷⁶

Perjanjian ini menunjukkan seolah-olah negeri-negeri Perlis, Kedah dan Pulau Pinang tercantum menjadi sebuah negeri. Perjanjian ini telah diluluskan dan disahkan oleh Gabenor Jeneral yang bertugas dalam bulan November 1802. Sementara itu harapan utama Kedah untuk mendapatkan perlindungan Syarikat Hindia Timur Inggeris sebenarnya hanya tinggal harapan kerana jika dirujuk kepada fasal 2 dalam perjanjian penyerahan Seberang Perai, Inggeris hanya berjanji untuk menjaga keselamatan “Province Wellesley” (Seberang Perai) bukannya Kedah.⁷⁷

Tragedi Kemanusiaan Perang Kedah-Siam

Tragedi yang menimpa Kedah sepanjang tempoh perang yang berlangsung bermula sejak tewasnya Kedah pada perang pertama pada tahun 1821. Kedah kehilangan ramai tokoh-tokoh pejuang. Pada perang ini Kedah kehilangan Dato’ Bendahara, Dato’ Laksamana, Dato’ Syahbandar dan Dato’ Temenggung. Ramai orang lelaki dibunuh dan dianggarkan 1,000 orang Kedah termasuk Tunku Yaakob dan Tunku Jam Jam ditawan dan dibawa ke Bangkok untuk dijadikan hamba kepada Raja, Pemangku Raja (Wangna), dan menteri-menteri Siam.⁷⁸

Namun semangat juang Kedah tidak pernah luntur. Sultan Ahmad Tajuddin meskipun berada di dalam pembuangan tetapi kesatuan daripada kerabat menyebabkan pihak Siam tidak berada dalam keadaan selesa.⁷⁹ Penentangan demi penentangan dilakukan bermula sebaik tewasnya Kedah pada November 1821 kepada Siam. Dalam peperangan kedua ini, yang berlangsung kira-kira lima bulan, seramai 700 orang tentera Siam terbunuh; 1500 orang pejuang Kedah terkorban. Setelah Kota Kuala jatuh kembali ke tangan Siam, kira-kira 4,000 hingga 5,000 keluarga telah ditawan dan dibawa ke Siam.⁸⁰

Penentangan yang lebih tersusun telah memberi kesan kepada Siam adalah dengan perancangan dan kebangkitan yang diusahakan oleh Tunku Muhammad Saad. Pada 24 Mac 1838, Tunku Muhammad Saad bin Tunku Daud dan Dato’ Wan Muhammad Ali menyebarkan surat jemputan ke Seberang Perai, menjemput datang berkumpul di Sungai Muda dan Sungai Merbok untuk sama-sama menentang Siam.⁸¹ Gerakan penentangan ini mendapat sambutan dari Tunku Muhammad Taib dan Tunku Muhammad Akib dari Setul, seorang ulama terkenal di Kedah pada waktu itu iaitu Syeikh Abdul Samad al-Palembangi serta ramai lagi tokoh-tokoh hebat. Dalam usaha untuk menggembeling tenaga sokongan penduduk Kedah, Tunku Muhammad Saad menyeru semua yang ingin menyertai gerakkannya dan mendapat rahmat Allah berkumpul di Sungai Merbok.⁸²

Permulaan penentangan yang dianggap sebagai jihad menentang orang kafir ini memberikan kejayaan gemilang kepada pasukan Kedah. Namun, menyedari kesilapan mereka, pihak Siam menyiapkan angkatan yang lebih kuat dan menyerang kembali pihak Kedah. Pada ketika inilah tragedi berulang pada pihak Kedah apabila dikhianati oleh pihak British yang menyatakan keterikatannya dengan Fasal 13 Perjanjian Burney. Pihak Siam menyerang dari arah daratan manakala di perairan Kedah dikepung oleh British. Sekali lagi Kedah kehilangan tokoh-tokoh pejuang hebat yang sanggup berjuang sehingga ke tittisan darah yang terakhir.

KESIMPULAN

Perang Kedah-Siam telah memberikan kesan yang cukup signifikan dalam sejarah kesultanan Kedah. Ia bukan sahaja merupakan sebuah tragedi kemanusiaan apabila ribuan rakyat telah terkorban dan menjadi tawanan pihak Siam. Perang ini juga secara nyata telah membuktikan kegigihan pemerintah dan rakyat Kedah dalam mempertahankan takhta kerajaan yang berjuang

hingga ke titisan darah yang terakhir. Peperangan ini disertai oleh semua lapisan rakyat, dari perintah, ulama dan rakyat biasa atas nama kedaulatan negeri Kedah dan perjuangan jihad menentang kuasa kafir. Kezaliman Siam ke atas rakyat Kedah jelas ditunjukkan melalui istilah “Siam Perut Hijau.” Perang ini juga merupakan satu tragedi politik apabila Sultan Kedah terpaksa berada dalam buangan buat sekian lama. Perang ini juga telah menyebabkan Kedah telah kehilangan Pulau Pinang apabila Sultan Kedah cuba mendapatkan pertolongan British untuk mengatasi ancaman Siam. British yang bersikap ‘talam dua muka’ jelas telah mengkhianati Kedah. Selain itu, wilayah Kedah menjadi semakin kecil dengan pembahagian Siam kepada empat wilayah iaitu Kedah, Kubang Pasu,⁸³ Perlis dan Setul.⁸⁴

Nota

¹ Ronald Braddel, *Most Ancient Kedah*. Ikatan Arkeologi Malaysia, hal. 32-54.

² Mohd. Isa Othman, *Pengalaman Kedah Perlis Zaman Penjajahan British*, Kuala Lumpur : Utusan Publications & Distributors Sdn. Bhd., 2001, hal. 6.

³ Mior Ahmad Noor Mior Hamzah, *Ke Arah Pembentukan Sempadan Bersama*, Kertas kerja yang dibentangkan dalam Majlis Wacana Warisan : 100 Tahun Perjanjian Bangkok 1909, Kuala Lumpur: Arkib Negara Malaysia, 12-13 Mei (2009), hal. 20.

⁴ Ibid, hal. 20.

⁵ Ahmad Jelani Halimi, *Surat-surat Perdagangan Kedah-Inggeris Pada Suku Akhir Abad ke-18*, dalam Mahani Musa & Ahmad Jelani Halimi (Peny.). Warisan Mahawangsa Kedah, Alor Setar : Persatuan Sejarah Malaysia Cawangan Kedah, 2006, hal.13.

⁶ C.O.273/1, Straits Settlements, 1838-1858, Miscellaneous; “Pada hari Ahad, 12 November 1821, perahu pasukan tentera Siam yang berlepas dari Trang tiba di Kuala Kedah dan melancarkan serangan dan berjaya menawan Kedah. Lihat Abdullah Zakaria Ghazali, *Kedah 1821-1842: Perjuangan Orang Melayu.....*, hal. 240 .

⁷ Sultan Ahmad Tajuddin Halim Shah II adalah Sultan Kedah yang ke-22.

⁸ J. M. Gullick, *Kedah 1821-1855: Years of Exile and Return*, JMBRAS, Jil.I.VI, Bhgn 2, 1983, hal. 35.

⁹ Arahan Siam supaya Sultan Ahmad Tajuddin menyerang Pattani dan Perak. Sultan Ahmad Tajuddin Halim Shah II mengambil pendekatan tidak menuruti segera arahan yang diberikan memandangkan persaudaraan dan agama yang dianuti iaitu Islam.

¹⁰ Mahani Musa, *Sejarah Awal: Pulau Pinang Sebelum 1786*, dalam Muhammad Haji Salleh (Editor), *Sejarah Awal Pulau Pinang*, Pulau Pinang: Universiti Sains Malaysia, 2008, hal.19.

¹¹ Ibid, hal.19.

¹² Buyong Adil, *Sejarah Kedah*, Kuala Lumpur: Dewan Bahasa dan Pustaka, 1980, hal. 36.

¹³ Ibid, hal. 36.

¹⁴ Ibid, hal. 37.

¹⁵ Francis Light dilahirkan di Woodbridge, Suffolk, England. Mendapat pendidikan di Seckford's Grammar School. Memasuki angkatan laut ketika berusia 19 tahun. Tahun 1763 mula berkhidmat dengan firma Jourdain, Sullivan dan de Souza, Madras. Francis Light kemudiannya dilantik sebagai kapten yang berdagang dengan negeri-negeri Kepulauan Melayu. Untuk bacaan lihat Steuert, A.F., *The Founders of Penang and Adelaide: a Short Sketch of the Lives of Francis and William Light*, (London, 1901) Clodd, H.P., *Malaya's First British Pioneer: the Life of Francis Light*, (London, 1948).

¹⁶ Mahani Musa, *Sejarah Awal: Pulau Pinang Sebelum 1786*, 2008, hal. 20.

¹⁷ “There is remarkable resemblance between Francis Light and his greater successor, Sir Stamford Raffles. They were alike in their devotion to British interests, in their hatred of the Dutch, and in the liberal yet wise and firm manner in which they conducted their administration. Both had also a wide knowledge of Malayan languages and customs, and very great influence over the natives, the result of the respect and affection inspired by their firm but just and sympathetic attitude towards them. Light's reputation has been much over-shadowed by the more brilliant attainments and greater service of the

founder of Singapore...” lihat seterusnya dalam L.A. Mills, *British Malaya 1824-67*, MBRAS, Vol.33, 1960, hal. 36-37.

¹⁸ Surat-surat yang bertarikh 18 Ogos 1771 dan 25 November 1771 yang dikirimkan oleh Light kepada firmannya di Madras. Lihat dalam Richard Winstedt, *Notes on the History of Kedah*, MBRAS, Vol. 14, Part. 3, 1986, hal. 179.

¹⁹ Mahani Musa, 'Sejarah Awal: Pulau Pinang Sebelum 1786', hal. 20.

²⁰ Mior Ahmad Noor Mior Hamzah, 'Ke Arah Pembentukan Sempadan Bersama', Kuala Lumpur: Arkib Negara Malaysia, 12-13 Mei (2009), hal. 20.

²¹ Buyong Adil, *Sejarah Kedah*, 1980, hal. 40.

²² Kobkua Suwannathat-Pian, *A Study of Traditional Intra-Regional Relations From The 17th to the Early 20th Century*, Disertasi, Pulau Pinang: Universiti Sains Malaysia, 1986.

²³ John Bastin, *Francis Light and the Malay Princess*, Malaysia in History, Vol.8, No.2, April 1964, hal. 3-8.

²⁴ "It does not appear, either by writing or tradition, that *Quedah* [Kedah] was ever governed by Siamese Laws or Customs...The King [of Kedah] sent every third year a Gold and Silver Tree, as a token of homage to *Ligore* [Ligor]. This was done to preserve a good correspondence....(John Anderson, *Political and Commercial Considerations*....,hal. 45).

²⁵ Tunku Pangeran sungguh bernasib baik. Raja Rama I yang bernama Phra Putta Yot Fa Chulalok (Jeneral Chakkri 1782-1809), pengasas dinasti yang menubuhkan ibu negara di Bangkok, memang berhasrat untuk meluaskan pengaruhnya ke Kedah. Lebih-lebih lagi ia sendiri tidak berpuas hati di atas tindakan Tunku Dziauddin menyerahkan Seberang Perai kepada Inggeris. Lihat Ibrahim Ismail, *Sejarah Kedah Sepintas Lalu*, Jitra: Universiti Utara Malaysia, 1987, hal. 65.

²⁶ Merujuk kepada kenaikan Sultan Ahmad Tajuddin ke atas takhta: Pada bulan September tahun 1803, Raja Siam telah menghantar satu angkatan tentera Siam seramai 5,000 orang menghantar Tunku Ahmad Tajuddin balik ke negeri Kedah serta membawa surat perintah dari Raja Siam menyuruh Orang-orang Besar Kedah menabalkan Tunku Ahmad Tajuddin (Tunku Pangeran) menjadi Sultan Kedah, dan sepucuk surat lagi dari King Rama I memerintah Tunku Dhiauddin turun dari takhta kerajaan Kedah. Lihat dalam Buyong Adil, *Sejarah Kedah*, 1980, hal. 53.

²⁷ Ibid, hal. 53

²⁸ R. Bonney, *Kedah 1771-1821: The Search for Security and Independence*....hal.128-155.

²⁹ Kobkua Suwannathat-Pian, *A Brief Moment in Time: Kedah –Siam Relations Revisited*, JMBRAS, Vol.LXXII, Part 2, 1999, hal. 67.

³⁰ Mior Ahmad Noor Mior Hamzah, 'Ke Arah Pembentukan Sempadan Bersama', 12-13 Mei (2009), hal. 24.

³¹ Ahmad Farhan bin Abdullah@Zakaria, *Kedah, Perak, Selangor dan Siam: Menjejak Peristiwa Utama Ke Arah Termeterai Perjanjian 1826*, hal.158.

³² "Pada Februari 1821, Gabenor Pulau Pinang telah memberi amaran kepada Sultan Ahmad Tajuddin Halim Shah II, kira-kira 6,000 tentera Siam bersiap sedia bergerak dari Bangkok ke Kedah melalui Senggora kerana kegagalan Kedah menghantar bunga emas dan perak ke Bangkok." Boleh rujuk, R. Bonney, *Kedah 1771-1821: The Search for Security and Independence*....hal.162-166.

³³ John Anderson, *Political and Commercial Considerations*....hal. 2; T.J. Newbold, *British Settlements in the Straits of Malacca*, Jilid 11, Kuala Lumpur: Oxford University Press, 1971, hal. 7-8.

³⁴ P.J. Begbie, *The Malayan Peninsula*, Kuala Lumpur: Oxford University Press, 1967, hal.108-110; R.O. Winstedt, *Notes on History of Kedah*, JMBRAS, Vol.14, Pt.3, 1936, hal.181.

³⁵ Haji Buyong Adil, *Sejarah Kedah*, Kuala Lumpur: Dewan Bahasa dan Pustaka, 1980, hal. 62-63.

³⁶ T.J. Newbold, *British Settlements in the Straits of Malacca*...., hal. 4.

³⁷ Straits Settlements Records (SSR) H.6: Penang Letters & Order in Council (PLOC), William Armstrong Clubley, Setiausaha kepada kerajaan kepada R. Caunter, Pesuruhjaya Polis, Pinang, 21 November 1821.

³⁸ Shamsuddin Mohd Yusof, *Kebangkitan rakyat Kedah di awal kurun ke-19 Tentang Penjajah*, Berita Minggu, Kuala Lumpur: Berita Publishing & Distributor, 29 Jun (1986).

³⁹ "There were doubts, as already stated, on whether it would be legal to remove the Sultan by force from one British settlement (Penang) to another (Malacca). It was known that he might move to Sumatra or some other non-British territory in order to launch an attack on Kedah from there. This would

embarass British relations with Siam.” Lihat dalam J.M. Gullick, “*Kedah 1821-1855-Years of Exile and Return*”, JMBRAS, Vol. 56, pt. 2, 1983, hal. 41.

⁴⁰ Warkah bertarikh 26 Muharram 1252 Hijrah bersamaan 3 Mei 1837 (Selasa) adalah salah sepucuk warkah Diraja Kedah Darul Aman yang ditulis di atas keci (kapal kecil) di Pelabuhan Pulau Pinang. Penulisnya Sultan Ahmad Tajuddin Halim Shah II (1804-1845) ditujukan kepada rakan karibnya Thomas Beighton (Paderi Pulau Pinang). Keadaan ini terjadi disebabkan Sultan Ahmad Tajuddin II telah dihukum untuk dihantar ke Melaka bersebabkan tewasnya baginda dalam Perang Kedah-Siam pertama.

⁴¹ Syarikat Hindia Timur Inggeris bertindak menghantar misinya untuk mengadakan rundingan dengan pihak berkuasa Siam di Bangkok diketuai John Crawford (1822) diikuti oleh Henry Burney (1825). Kedua-duanya gagal untuk mendapatkan persetujuan Siam bagi membenarkan Sultan Ahmad Tajuddin dikembalikan ke takhta semula.” Lihat Wan Shamsudin Mohd. Yusof, *Perjanjian Burney 1826*, dalam Warta Darul Aman, Siri Bulan Ini Dalam Sejarah, Jun (2001).

⁴² Tentang perjanjian ini boleh dirujuk kepada W. G. Maxwell & W.S. Gibson (ed.), *Treaties and Engagements Affecting the Malay States and Borneo*, Sulffolk Lane: Jas. Truscott & Son Ltd., 1924, hal. 77-82.

⁴³ C.O.273/1, Leftenan Henry Burney kepada James C. Melvill, Julai 1846.

⁴⁴ “Persetujuan Rama III membuka Siam bagi kegiatan perniagaan negeri-negeri Barat secara meluas pada tahun 1826 ini berdasarkan pada keselamatan Siam dan kedudukannya yang kuat ke atas negeri-negeri naungan Siam di utara Tanah Melayu. Kemungkinan Inggeris boleh menjadi musuh Siam yang berkuasa di sebelah barat Tahi setelah kemenangan British ke atas Myanmar pada tahun 1824 juga diambil kira oleh Rama III, terutamanya Bangkok tiada berupaya menentang tentera British. Faktor yang lebih penting ialah bagi Rama III menganggap Britain lebih berguna sebagai sahabat daripada sebagai musuh Siam. Selain itu, permintaan British yang dikemukakan oleh Burney juga tidak keterlaluan dan tidak memalukan kedudukan serta kemuliaan Siam sebagai negeri yang berkuasa di rantau ini. Oleh yang demikian, Rama III sanggup berunding dengan pihak British, dan akhirnya, menerima syarat-syarat Perjanjian Burney. Perjanjian Burney juga merupakan perjanjian timbal-balik antara dua pihak yang setaraf.” Lihat Kobkua Suwannathat-Pian, *Sejarah Thai Zaman Bangkok*, Kuala Lumpur: Dewan Bahasa dan Pustaka, 1991, hal. 67.

⁴⁵ T. J. Newbold, *British Settlements in the Straits of Malacca*, Kuala Lumpur: Oxford University Press, 1971, hal.467-468

⁴⁶ Penentangan rakyat Kedah secara perang gerila.

⁴⁷ C.O.273/1, Straits Settlements, 1838-1858, Miscellaneous.

⁴⁸ Syair Duka Nestapa, hasil karangan Sultan Ahmad Tajuddin yang disalin semula dari manuskrip asal oleh Wan Ibrahim Wan Yahaya.

⁴⁹ Sultan Ahmad Tajuddin adalah Sultan Kedah yang ke-23.

⁵⁰ Perang Kedah-Siam 1, 1821.

Perang Kedah-Siam 2, 1830.

Perang Kedah-Siam 3, 1838-1839.

⁵¹ Kobkua Suwannathat-Pian, *Sejarah Thai Zaman Bangkok*, Kuala Lumpur: Dewan Bahasa dan Pustaka, 1991, hal. 87.

⁵² Wan Shamsuddin bin Wan Yusof, *Kedah Dalam Warisan Sejarah dan Budaya Nusantara*, Alor Setar: Persatuan Sejarah Malaysia Cawangan Kedah, 2014, hal. 201.

⁵³ Walaupun negeri-negeri tersebut menjalin hubungan dengan Siam tetapi tidak terdapat pembahagian kuasa politik yang jelas antara negeri-negeri Melayu yang di bawah pertuanan Siam itu secara langsung atau tidak langsung dengan negeri-negeri Melayu yang lain. Bagi negeri-negeri Melayu Utara dan sultan mereka, penghantaran bunga mas dan perak ke Siam adalah untuk tujuan persahabatan dan diplomatik. Oleh itu, British menganggap negeri-negeri Melayu tersebut adalah negeri yang bebas dan merdeka daripada mana-mana kuasa asing. Dengan itu, pihak British berhasrat untuk menguasainya. Lihat Ho Hui Ling, ‘*Ke Arah Perjanjian 10 Mac 1909*’, Kertas Kerja yang dibentangkan dalam Majlis Wacana Warisan: 100 Tahun Perjanjian Bangkok 1909, Kuala Lumpur: Arkib Negara Malaysia, 12-13 Mei (2009), hal. 5.

⁵⁴ Persubahatan dirujuk kepada mekanisme kerjasama pensubahat-pensubahat tempatan dengan penjajah.

- ⁵⁵ Wan Shamsudin Mohd. Yusof, *Sejarah dan Perkembangan Kota Kuala Kedah: Menurut Kronologi Zaman Pemerintahan Sultan-sultan Kedah Darul Aman*. Kertas Kerja tidak diterbitkan.
- ⁵⁶ James F. Augustine, *Kedah Zaman Silam*, Alor Setar: Muzium Negeri Kedah Darul Aman, 1996, hal. 38.
- ⁵⁷ Ibid, hal. 39-40.
- ⁵⁸ Perjanjian Awal Kedah-Inggeris, Pada hari Ahad 19 April 1772 (16 Muharam 1186) Sultan Muhammad Jiwa Zainal Adilin Mu'adzam Shah, Sultan Kedah Darulaman yang ke-19 (1710-1778) telah membenarkan pihak Syarikat Inggeris India Timur melalui wakilnya Edward Monckton menduduki Kuala Bahang (Kuala Kedah) di kedua kawasan tebingnya hingga ke Batin. Mereka juga diberi kuasa mengenakan cukai ke atas perahu dan kapal asing yang masuk di Kuala Bahang dan Kuala Perlis.. Lihat Wan Shamsudin Mohd. Yusof, *Perjanjian Awal Kedah-Inggeris*, dalam Warta Darul Aman, Siri Bulan Ini Dalam Sejarah, April (1989).
- ⁵⁹ James F. Augustine, *Kedah Zaman Silam*, 1996, hal. 40.
- ⁶⁰ Buyong Adil, *Sejarah Kedah*, 1980, hal. 31.
- ⁶¹ Mahani Musa, 'Sejarah Awal: Pulau Pinang Sebelum 1786', hal. 21.
- ⁶² Wan Shamsudin Mohd. Yusof, *Perjanjian Awal Kedah-Inggeris*, April (1989).
- ⁶³ Mahani Musa, 'Sejarah Awal: Pulau Pinang Sebelum 1786', hal. 21.
- ⁶⁴ Ibid, hal. 22.
- ⁶⁵ Ibid, hal. 22.
- ⁶⁶ Buyong Adil, *Sejarah Kedah*, 1980, hal. 59-60.
- ⁶⁷ Perjanjian damai yang ditandatangani pada 1 Mei 1791 akhirnya menamatkan tuntutan ganti rugi Sultan Abdullah yang kini terpaksa menerima 6,000 dolar Sepanyol, iaitu jauh lebih rendah daripada tawaran asal 10,000 dolar Sepanyol. Lihat lebih lanjut dalam Mahani Musa, 'Sejarah Awal: Pulau Pinang Sebelum 1786', hal. 22.
- ⁶⁸ Buyong Adil, *Sejarah Kedah*, 1980, hal. 50.
- ⁶⁹ Mohd. Isa Othman, *Hubungan Kedah-Pulau Pinang, Pulau Pinang*: Universiti Sains Malaysia, Kertas kerja tidak diterbitkan.
- ⁷⁰ Mahani Musa, 'Sejarah Awal: Pulau Pinang Sebelum 1786', hal. 22.
- ⁷¹ Mohd. Isa Othman, *Hubungan Kedah-Pulau Pinang, Pulau Pinang*: Universiti Sains Malaysia, Kertas kerja tidak diterbitkan.
- ⁷² Ibid.
- ⁷³ R. Bonney, *Kedah 1771-1821 The Search for Security and Independence*, Kuala Lumpur: Oxford University Press, 1974, hal. 109.
- ⁷⁴ Pembentukan sempadan bermula dengan perluasan British Pulau Pinang (lepas ini disebut EIC sahaja) ke tanah besar di Seberang Perai. Mereka menamakan kawasan ini Province Wellesley. Lihat dalam Mior Ahmad Noor Mior Hamzah, 'Ke Arah Pembentukan Sempadan Bersama', 12-13 Mei (2009), hal. 22-23.
- ⁷⁵ Wan Shamsudin Mohd. Yusof, *Seberang Perai Diduduki Inggeris*, dalam Warta Darul Aman, Siri Bulan Ini Dalam Sejarah, Jun (1994), hal. 5.
- ⁷⁶ Wan Shamsudin Mohd. Yusof, *Seberang Perai Diduduki Inggeris*, dalam Warta Darul Aman, Siri Bulan Ini Dalam Sejarah, Jun (1994), hal. 5.
- ⁷⁷ Mahani Musa, 'Sejarah Awal: Pulau Pinang Sebelum 1786', hal. 48.
- ⁷⁸ Sharom Ahmat, *Kedah-Siam Relation, 1821-1905, The Journal of Siamese Society*, Vol.59, Pt.1, Januari 1971, hal.98-99
- ⁷⁹ Penentangan rakyat Kedah secara perang gerila.
- ⁸⁰ Roshidee Haji Abdullah, *Kedah 1821-1842: Satu Kebangkitan Orang Melayu*, Esei Panjang, Jabatan Sejarah, Kuala Lumpur, Universiti Malaya, 1989, hal. 57.
- ⁸¹ CO 273/1, *Straits Settlements, 1838-1858, Miscellaneous, An Account of the war between the Malays and Siamese in 1838 commonly called the war of Tunku Mahomed Saad*, hal. 61.
- ⁸² Ibid, hal. 61.
- ⁸³ Kubang Pasu telah dikembalikan kepada kekuasaan Kedah apabila pihak Siam menganugerahkannya kepada Tunku Anom yang kemudian kembali bergabung dengan Kesultanan Kedah.
- ⁸⁴ Mohd. Isa Othman, *Politik Tradisional Kedah, 1641-1942*, Kuala Lumpur: Dewan Bahasa dan Pustaka, 1990, hlm. 32-33.

RUJUKAN

- Abdullah Zakaria Ghazali. 1996. "Kedah 1821-1842: Perjuangan Orang Melayu Menentang Siam". In *Alam Pensejarahan Dari Pelbagai Perspektif*, edited by Badriyah Haji Salleh & Tan Liok Ee, 243-256. Kuala Lumpur: Dewan Bahasa dan Pustaka.
- Ahmad Farhan bin Abdullah@Zakaria. 2012. "Kedah, Perak, Selangor dan Siam: Menjejak Peristiwa Utama Ke Arah Termeterai Perjanjian 1826". In *Kedah Warisan dan Sejarah*, edited by Abdullah Zakaria Ghazali & Mardiana Nordin, 142-181. Universiti Kebangsaan Malaysia. Bangi: Ikatan Ahli Arkeologi Malaysia.
- Ahmad Jelani Halimi. 2006. "Surat-surat Perdagangan Kedah-Inggeris Pada Suku Akhir Abad ke-18". In *Warisan Mahawangsa Kedah*, edited by Mahani Musa & Ahmad Jelani Halimi, 13-27. Alor Setar: Persatuan Sejarah Malaysia Cawangan Kedah.
- Maxwell, W.G. & Gibson, W.S. 1924. *Treaties and Engagements Affecting the Malay States and Borneo*.
- Braddel R. 1980. *Most Ancient Kedah*. Kuala Lumpur: Ikatan Arkeologi Malaysia.
- Buyong Adil. 1980. *Sejarah Kedah*. Kuala Lumpur: Dewan Bahasa dan Pustaka.
- Clodd, H.P. 1948. *Malaya's First British Pioneer: the Life of Francis Light*. London. CO 273/1. 1838-1858. Straits Settlements, Miscellaneous.
- Ho Hui Ling. 2009. Ke Arah Perjanjian 10 Mac 1909. Kertas Kerja Majlis Wacana Warisan: 100 Tahun Perjanjian Bangkok 1909. Arkib Negara Malaysia, Kuala Lumpur.
- Ibrahim Ismail. 1987. *Sejarah Kedah Sepintas Lalu*. Jitra: Universiti Utara Malaysia.
- Gullick J. M. 1983. "Kedah 1821-1855: Years of Exile and Return". *Journal of the Malaysian Branch of the Royal Asiatic Society*. I.VI (2): 31-86.
- Augustine J. F. 1996. *Kedah Zaman Silam*. Alor Setar: Muzium Negeri Kedah Darul Aman.
- Anderson J. 1824. *Political and Commercial Considerations Relative to The Malayan Peninsula and the British Settlements in the Straits of Malacca*. Penang: Printed Under the Authority of Government by William Cox.
- Bastin J. 1964. "Francis Light and the Malay Princess". *Malaysia in History*. 8 (2): 3-8.
- Hodgson, G. A. 1966. "An Introduction to Kedah History". *Kedah Dari Segi Sejarah* 1(1): 14-18.
- Kamus Dewan*. 2010. Edisi Keempat, Kuala Lumpur: Dewan Bahasa dan Pustaka.
- Kobkua Suwannathat-Pian. 1991. *Sejarah Thai Zaman Bangkok*, Kuala Lumpur: Dewan Bahasa dan Pustaka.
- Kobkua Suwannathat-Pian. 1999. A Brief Moment in Time: Kedah –Siam Relations Revisited. *Journal of the Malaysian Branch of the Royal Asiatic Society*. 72(2): 65-90.
- Kobkua Suwannathat-Pian. 1986. A Study of Traditional Intra Regional Relations From The 17th to the Early 20th Century. Disertasi Tesis PhD. Universiti Sains Malaysia.
- Mills L. A. 1960. "British Malaya 1824-67". *Journal of the Malaysian Branch of the Royal Asiatic Society*. 33(3): 191-195.
- Mahani Musa. 2008. "Sejarah Awal: Pulau Pinang Sebelum 1786". In *Sejarah Awal Pulau Pinang*, edited by Muhammad Haji Salleh, 19-39. Pulau Pinang: Universiti Sains Malaysia.
- Mior Ahmad Noor Mior Hamzah. 2009. Ke Arah Pembentukan Sempadan Bersama. Kertas kerja Majlis Wacana Warisan : 100 Tahun Perjanjian Bangkok 1909. Arkib Negara Malaysia, Kuala Lumpur.
- Mohd. Isa Othman. 1990. *Politik Tradisional Kedah, 1641-1942*. Kuala Lumpur: Dewan Bahasa dan Pustaka.

- Mohd. Isa Othman. 2001. *Pengalaman Kedah Perlis Zaman Penjajahan British*. Kuala Lumpur: Utusan Publications & Distributors Sdn. Bhd.
- Tarling, N. 1969. *British Policy in the Malay Peninsula and Archipelago 1824-1871*. Kuala Lumpur, Oxford University Press.
- Begbie, P. J. 1967. *The Malayan Peninsula*. Kuala Lumpur: Oxford University Press.
- Bonney, R. 1974. *Kedah 1771-1821: The Search For Security and Independence*. Kuala Lumpur: Oxford University Press.
- Winstedt, R. O. 1986. "Notes on the History of Kedah". *Journal of the Malaysian Branch of the Royal Asiatic Society*. 14 (3): 155-189.
- Roshidee Haji Abdullah. 1989. *Kedah 1821-1842: Satu Kebangkitan Orang Melayu*. Esei Panjang. Jabatan Sejarah, Universiti Malaya.
- Sharom Ahmat. 1971. *Kedah-Siam Relation, 1821-1905*. *The Journal of Siamese Society*. 59 (1): 97-117.
- Steuert A. F. 1901. *The Founders of Penang and Adelaide: a Short Sketch of the Lives of Francis and William Light*. London: Sampson Low, Marston & Company.
- Straits Settlements Factory Records (SSFR) V99: Fort Cornwallis, Council Proceedings.
- Straits Settlements Records (SSR). 1821. H.6: Penang Letters & Order in Council (PLOC), 21 November. William Armstrong Clubley, Sec. of Govt. to R. Caunter, Supt. Police, Prince of Wales Island.
- SSR. H.6: PLOC. 1837. Surat Sultan Ahmad Tajuddin Halim Shah II kepada Paderi Thomas Beighton, 3 Mei.
- Syair Duka Nestapa*. Tiada tarikh. Hasil karangan Sultan Ahmad Tajuddin yang disalin semula dari manuskrip asal oleh Wan Ibrahim Wan Yahaya.
- Newbold, T. J. 1971. *British Settlements in the Straits of Malacca*. Kuala Lumpur: Oxford University Press.
- Maxwell, W. G. & Gibson, W. S. (ed.). 1924. *Treaties and Engagements Affecting the Malay States and Borneo*, Suffolk Lane: Jas. Truscott & Son Ltd.
- Wan Shamsudin Mohd. Yusof. 1989. "Perjanjian Awal Kedah-Inggeris. Bulan Ini Dalam Sejarah". *Warta Darulaman*.
- Wan Shamsudin Mohd. Yusof. 1994. "Seberang Perai Diduduki Inggeris. Bulan Ini Dalam Sejarah". *Warta Darulaman*.